



PRONI mjesečni bilten

SEPTEMBAR 2009

PREPORUČUJEMO

Projekat u Bijeljini: "Svi smo rođeni sa jednakim pravima, poštujemo ih!!!"

- **Komunikacija**
- **Rad u grupi**
- **Šta su to prava djeteta??**
- **Rješavanje konflikta**
- **Menadžment vođenja projekta**

SADRŽAJ:

Treninzi za mlade u Bijeljini. 1

PRONI druženje s volonterima 2

PRONI volonter snimio film!!! 2

Koktel za novinare!!! 2

Treninzi za Ljudska prava Maturanti napisali CV 3

O PRONI-u 4

PROJEKAT U BIJELJINI:

"Svi smo rođeni sa jednakim pravima, poštujemo ih!!!"

Početak septembra mjeseca u okviru projekta: "Svi smo rođeni sa jednakim pravima, poštujemo ih!!!", koji finansira Opština Bijeljina, PRONI Centar za omladinski razvoj u Bijeljini je organizovao treninge za grupu mladih ljudi, srednoškolaca i studenata iz Bijeljine koji su ciljna grupa ovog projekta.

Treninzi su bili na teme:

- Komunikacija
- Rad u grupi
- Ljudska prava
- Rješavanje konflikta
- Menadžment vođenja projekta

Treninzi su rađeni intenzivno tokom dva vikenda, zbog obaveza učenika i studenata i na njima je prisustvovalo oko 15 mladih ljudi iz opštine Bijeljina. Treninge su radili zaposleni u PRONI-u, ljudi sa dugogodišnjim iskustvom. Svi treninzi su održani u prostorijama PRONI kancelarije u Bijeljini.

Tokom mjeseci juna i jula, rađene su pripreme za rad na projektu, tj. oglašavanje projekta i formiranje grupe. Zbog sezone godišnjih odmora teško je bilo oformiti grupu u tom periodu,



tako da se konačan broj članova prijavio tek po početku nove školske godine.

Učesnici treninga su bili veoma aktivni na svim treninzima i dobor sarađuju kao grupa, iako se većina njih sreću i rade zajedno po prvi put. Grupa koja puno obećava. Tokom treninga trenerima su pomagali volonteri PRONI-a u Bijeljini, koji su, ranije, i sami bili učesnici ovakvih treninga, u okviru prošlogodišnjih projekata i koji će biti od velike pomoći ciljnoj grupi tokom organizovanja

Fotografija sa treninga



radionica.

Učesnici su na treninzima formirani u manje grupe u kojima će raditi svoje radionice. Oni imaju zadatak da sa grupom vršnjaka ili učenika osnovnih škola odrade 10 radionica, čije će rezultate imati priliku da predstave na festivalu dječijih prava koji će biti organizovan, u okviru ovog projekta, na dan djeteta, tj. 20. novembra. Festival je jedna od završnih aktivnosti projekta, gdje će mladi ljudi učesnici ovog projekta imati

priliku da pokažu i predstave, građanima Bijeljine, svoja dostignuća sa grupom. Nakon festivala biće održan i okrugli sto na kome će biti predstavljeni svi rezultati cjelokupnog projekta i trenutno stanje po pitanju ljudskih prava u opštini Bijeljina.

Teme na koje će mladi ljudi raditi aktivnosti su:

- Kreativne radionice
- Edukativne Radionice sa mladim Romima
- Info centar
- Dramske radionice

Navedene teme su odabrali učesnici projekta i sami se odlučili za grupe u kojima će raditi. Trenutno rade na pisanju mini projekata za ove aktivnosti i u potrazi su za drugim mladim ljudima koji su zainteresovani da učestvuju u navedenim projektima.

Svi zajedno i učesnici i treneri i volonteri nose sa sobom lijepo i korisne uspomene sa ovih par dana druženja, koje se nastavlja. A učesnicima treninga zaposleni u PRONI-u žele lijepo druženje tokom rada radionica.



Nastavlja se PRONI-jevo druženje sa volonterima

PRONI Centar za omladinski razvoj Brčko distrikta BiH nastavlja da organizuje druženje sa volonterima. Naime, PRONI svakog četvrtka organizuje zabavno veče za volontere u prostorijama kancelarije PRONI-a u centru grada.

Na ovo druženje pozvani su volonteri PRONI-a, kao i volonteri drugih omladinskih organizacija iz Brčkog.

Zadnje zabavno veče organizovano je dana 17.09.2009. godine, na kome su učestvovali oko 20 mladih ljudi iz Brčkog, pored PRONI volontera i volonteri iz omladinskih organizacija SVITAC i AMICA.

Na ovom druženju volonteri su imali priliku da se bolje upoznaju i zabave uz igru pantomime i prezentaciju

predstavnik BHV Education, organizacije uz čiju pomoć mladi ljudi iz ovih krajeva mogu otići na studiranje u inostranstvo ili da završe jednu godinu srednje škole a pritom borave u nekoj porodici ili domu.

Naime, Damir Pervanović, volonter u PRONI-u, ujedno je i koordinator BHV-a za Brčko, prisutnim volonterima je prezentovao AU PAIR program za čuvanje djece u porodicama u Evropi i Americi.

Kroz druženje i sastanke volonteri i omladinski radnici su došli do zajedničkog zaključka da mladi aktivci trebaju dodatnu edukaciju za svoj rad sa mladima ili na projektima. Taj dogovor se pretvorio u djelo i tako je održan

trening na temu "Radionica—njen tok i rad sa grupom". Trening je održan 27.09.2009. u prostorijama kancelarije PRONI Centra za omladinski razvoj i trajao je 5 sati.

Volonteri su bili veoma aktivni i imali dosta pitanja za trenere vezano za rad radionica u praksi. Neki od njih su osvježili pamćenje i dobili odgovore na nedostatke u koje su primijetili tokom rada u praksi. Bili su zadovoljni treningom i ponovo došli do zaključka da im je potrebna dodatna edukacija i na druge teme.

Shodno tome, može se, uskoro, očekivati organizacija novog treninga za njih.



Fotografija sa prezentacije

Volonter
PRONI-a sa
filmom
učestvuje na
OFF festivalu

“Tamna strana djetinjstva”

Volonter PRONI Centra za omladinski razvoj Damir Pervanović je nedavno završio svoj projekat, odnosno film pod nazivom “Tamna strana djetinjstva”. Film je amaterski—kratkometražni radjen namjenski za film festival OFF u Bihacu.

Festival se održava drugi put za redom, sa akcentom na

kršenje ljudskih prava u zajednici.

Film je urađen sa ciljem da razbije tabue i malo više podstakne na razmišljanje o problemima i kršenjima ljudskih prava koja se ne događaju “tamo negdje”, nego u svijetu oko nas.

Nakon završetka OFF festivala

film će biti prikazan premijerno i u Brčkom.

U radu na filmu je, pored Damira, učestvovalo je još pet mladih ljudi od 12-20 godina. A snimanje filma je svojom opremom podržala predsjednica udruženja Distrofičar iz Brčkog, Enisa Rendić.

Koktel za
novinare !!!


Koktel za novinare!!!

U kancelariji PRONI Centra za Omladinski razvoj u Brčko Distriktu 23.09.2009. godine održao će se "**Koktel za novinare!!!**" u cilju odavanja priznanja radu novinara sa područja Brčkog Distrikta a i šire.

Koktelu su prisustvovala tri medijke kuće: FTV—federalna televizija, Radio Brčko i «HIT» televizija. PRONI Centar sa ovim medijskim kućama, već ima dugogodišnju saradnju i na ovaj način PRONI se zahvalio na podršci u radu koje su mu ove medijske

kuće pružile.

Koktel za novinare je ispunio sva očekivanja novinara i zaposlenih PRONI-a, kao bitnih partnera u svom radu.



PRONI pokreće nove kurseve engleskog jezika i informatike

PRONI Centar za Omladinski Razvoj u Brčkom, pokreće nove kurseve engleskog jezika i informatike za odrasle osobe. Pravo učešća imaju svi zainteresovani sa područja Brčko Distrikta i šire, koji bi da na zanimljiv i interaktivan način voljeli da nauče osnove rada na računaru kao i kao i osnove služenja engleskog jezika.

Prijave traju do 09.10.2009.

**DOĐITE DA SE
DRUŽIMO!!!**

Treninzi na temu Ljudskih prava!!!

PRONI Centar u Brčko Distriktu BiH, nastavlja sa treninzima na temu ljudskih prava sa učeničkim vijećima osnovnih i srednjih škola, u gradskim i ruralnim područjima Brčko Distrikta BiH.

Treninzi na temu ljudskih prava sa učeničkim vijećima

su se implementirali u prvoj polovini 2009. godine i nastaviće sa radom i u drugoj polovini 2009. godine.



“PRONI,

YEP i

posao.ba i

se zahvaljuju

svim

učesnicima!”

34 maturanta napisala svoj CV!!!

U okviru Projekta zapošljavanja mladih - YEP, te u organizaciji agencije **posao.ba** u partnerstvu sa Mercator Centrom i PRONI Centrom Brčko je 17.09.2009. bio domaćin **“Dana zapošljavanja mladih”**.

U okviru ove aktivnosti 34 maturanta iz Brčkog su učestvovala u radionici pisanja CV i razgovora za posao. Maturanti su pored svog prvog CV-a tokom radionice radili i simulacije razgovora za posao. Radionicu je osmislio i vodio trenerski tim PRONI-a.



Trening za PRONI volontere u Brčkom!!!

Kroz druženje i sastanke, volonteri i omladinski radnici su dosli do zajedničkog zaključka da mladi aktivisti trebaju dodatno znanje.

I tako se dogovor pretvorio u djelo :))

27.09.2009 u prostorijama PRONI-a je održan trening na temu **«Radionica-njen tok i rad sa grupom»**.

Poslije treninga, povratna informacija trenerima je bila, da slične treninge treba nastaviti sa drugim temama, jer nekima članovima je bilo mnogo

toga novog dok su drugi osvježili svoje znanje.

PRONI će nastaviti sa treninzima u budućnosti.

Volonteri

žele

Još

znanja !!!



PRONI Centar za omladinski razvoj Brčko distrikt BiH

Ul. Bosne Srebrene br.16

76100 Brčko

Tel: +387 49 233 940

Tel/Fax: +387 49 217 695

E-mail: pronibrco@teol.net

Web: www.pronibrcko.ba

PRONI Bijeljina

Ul. Ivana Gorana Kovačića br.5

tel/fax: +387 55 213 046

PRONI je nevladina, neprofitna i nestranačka organizacija koja radi na području Brčkog od 1998. godine i na području Bijeljine od 2004. godine.

Naša vizija: PRONI Centar za omladinski razvoj ima viziju da svi mladi ljudi imaju sposobnost da razviju sebe i jednaku mogućnost da doprinesu demokratskom i pravednom društvu u kome su njihove potrebe prepoznate i riješene.

Danas PRONI radi na edukaciji o ljudskim pravima, te radi na razvoju aktivizma mladih u zajednici, razvoju volonterizma, razvoju omladinske politike.

PRONI-jev rad se ogleda kroz treninge, seminare, radionice, okrugle stolove, razmjene volontera i mladih, festivale i druge aktivnosti koje podstiču multietničnost, saradnju i sigurnu životnu sredinu.



Nešto više o PRONI-u

Omladinski rad

PRONI je do danas implementirao oko 300 manjih omladinskih i volonterskih projekata koji su uključili više od 4000 mladih. Od 1999. godine PRONI organizuje različite projekte na otvorenom: festivali, koncerti, turniri, kampovi, itd. Od 2002. godine PRONI je otvorio 4 omladinska kluba u: Brčkom, Maoči, Potočarima i Bijeloj, što se kasnije proširilo na 27 omladinskih klubova u mjesnim zajednicama.

Volonterizam

PRONI realizuje volonterske programe koji daju mogućnost mladima da učestvuju na volonterskim treninzima i da implementiraju svoje projekte u Brčkom i Bijeljini. Do sada je PRONI obučio oko 150 volontera koji su implementirali oko 70 različitih projekata za mlade i djecu. PRONI takođe prihvata lokalne i međunarodne volontere koji imaju iskustvo u omladinskom radu i uključeni smo u EVS (međunarodni volonterski servis za razmjenu volontera).

Mreža omladinskih klubova

U saradnji sa Vladom i 26 MZ Brčko distrikta BiH PRONI podržava rad Omladinskih klubova kroz program "Mreža omladinskih klubova". Kroz ovaj program PRONI je obučio 52 volontera za rad sa mladima u omladinskim klubovima, tokom 2007 i 2008. godine. PRONI je vršio monitoring i procjenu rada ovih klubova, dok je Vlada Brčko distrikta finansijski podržala ovaj projekat.

Omladinska politika



Fotografija sa PRONI festivala

PRONI se već duže vrijeme bavi razvojem omladinske politike za Brčko district u saradnji sa drugim omladinskim organizacijama, te razvojem i promocijom omladinske politike u Bijeljini.

Baza trenera

PRONI je oformio "Bazu trenera" i pokrenuo kurs "Osnove omladinskog rada" sa ciljem da se odgovori na potrebe lokalne zajednice za neformalno obrazovanje. "Baza trenera" obučava grupe mladih i odraslih u oblastima ljudskih prava, komunikacije, razrješavanje konflikta i timski rad.

Skupština i upravni odbor

PRONI kontinuirano radi na obrazovanju članova svog Upravnog odbora i razvoju njihovih vještina rukovođenja, kako bi što više doprinijeli razvoju organizacije.

Upravni odbor broji 7 članova različitih profila, a PRONI Skupština ima 30 članova među kojima su i volonteri i mladi iz klubova.